


nis, tam salubria quam insalubria, & quod meteora contrariæ conditionis, videlicet generationis & corruptionis, semper motu contrario moueantur: nam quæ ad corruptionem ducunt, retrogradiuntur ad principia, à quibus prius sunt progressa, atque etiam si perfecte misti naturam, cui se iungunt, in fortitudine superant, illam secum rapiunt retrosum, per viam resolutionis, & more toxicum in suam mutant naturam, ut in seminariis pestiferis, à meteororum venenosorum spiritu vndique dispersis, sat liquido indies explicatur. Sed huiusmodi motum, tam ad generationem quam corruptionem, optime & luculenter à nobis sectione 1. part. 2. part. 3. cap. 5. De Theosophico, Cabalistico, & Physiologico utriusq; mundi discursu, descriptum inuenietis ubi agitur de principiis tertianiis, cuius nihilominus loci demonstrationem ocularem hoc in loco expressimus.

In generatione est progres-
sio à radice 2. ad quadratum
4. & de eo ad cubum seu per-
fecte mistum 8.

1. Est terminus à quo & 8.
terminus ad quem in gene-
ratione.



8. Est terminus à quo & 1.
terminus ad quem in corru-
ptione.

In corruptione est transi-
tus à cubo 8. ad quadratum
4. à quo fit in radicem 2. re-
solutio.

Pro vltiori huiusc demonstratione commendo yobis locum ante nominatum: Vbi quamvis mentionem fecerim de progressione in generatione à radice 2. in quadratum 4. & ab illo in cubum 8. atque iterum de regressione in corruptione à cubo 8. ad quadratum 4. & à quadrato illo in radicem 2. tamen ut mentem meam illa in re recte intelligatis, vos in primis scire velim, quod vbi mentione de generatione feci, ibi linearem progressionem creationis hominis, eiusq; à luce & tenebris primariis derivationem intelligebam, atq; per motum incorruptione ab 8. ad 2. intendebam crea- turæ humanæ reversionem in primaria sua principia, à quibus primitus processit, quæ retrogressio non ante vltimum Pereat est expectanda, in quo etiam elementa in primaria sua simplicia sunt reducenda. At vero, in communi istius mundi alteratione, vel ad generationem vel ad corruptionem non fit transitus, nisi ab quadrato tanquam ab vltimis simplicibus, ex quibus mundus consistit ad cubum, aut retrogressio à cubo ad quadratum, quoniam simplicia corrupti non possunt, sed composita, utpote quæ ex contrariis naturis constituuntur; nam si elementa apta essent in sua primaria principia resolvi, tunc mundus etiam corruptioni esset obnoxius. quippe qui ex elementorum neu- xu & aereo spiritu conflatur atque impletur. At vero jam ad causæ meteororum formalis descriptionem progrediar, quoniam de causa ipsorum materiali abun- de fatis (vti existimamus) hoc in libro su- mus loquuti.

Libri 2. finis.